

四庫全書

史部

欽定四庫全書

史部
明史卷四十六

內閣中書臣瞿照覆勘

總校官編修臣朱
鈴

欽定四庫全書

明史卷四十六

大學士張廷玉等奉 敕修

志第廿二

地理志

雲南

貴州

雲南禹貢恩州徽外坑置雲南等處行中書省

治中
慶路

洪

武十五年二月癸丑平雲南置雲南都指揮使司乙卯

置雲南等處承宣布政使司

同治雲南府

領府五十八州七

十五縣五十五蠻部六後領府十九禦夷府二州四十

禦夷州三縣三十宣慰司八宣撫司四安撫司五長官

司三十三禦夷長官司二北至永寧

與四川界

東至富州

與廣

西西至千崖

與西番界

南至木邦

與交趾界

距南京七千二百里

京師一萬六百四十五里洪武二十六年編戶五萬九

千五百七十六口二十五萬九千二百七十弘治四年

戶一萬五千九百五十口一十二萬五千九百五十五

萬曆六年戶一十三萬五千五百六十口一百四十七

萬六千六百九十二

雲南府

元中慶路

洪武十五年正月改為雲南府領州四縣

九 昆明

倚洪武二十六年岷王府自陝西岷州遷於此永樂二十二年遷岷王府於湖廣武岡州

建勝王府於此宣德元年除東有金馬山與西南碧雞山相對俱有關山下即滇池池在城南周五百里其西

南為海口至武定府北注於金沙江又東有盤富民府龍江西注滇池東有赤水鵬清水江二巡檢司

北東有螳蜋川源自滇池下宜良府東少南東有大池流入金沙江東南有安寧河江一名大河亦曰巴

盤江西有湯羅次府西北舊屬安寧州弘治十三年八月改屬府西有星宿河自武定府流

入又有沙摩溪即安寧
河南有鍊象關巡檢司

晉寧州

西有大堡河
下流入滇池
北距府

百里領縣二

歸化

東北有交七
浦滇池下流

呈貢

州北西有滇池
北有落龍河南

流入

安寧州

西有叻峻山有煎鹽水設鹽課提舉司
轄鹽井四天啟三年改設於琅井此司

遂廢又南有螳螂川西有安寧
河又有祿脰貼琬二巡檢司

東距府八百里領縣一

祿豐

州西有南平山上有關東有大溪即安寧河
西有星宿河河東有老雅關巡檢司又西有蘭

谷關

昆陽州

東南有渠溫川
東北入於滇池

北距府百五十里領縣二

三泊

州西北西有三
泊溪流入滇池

易門

州西南有易門守禦千戶
所洪武二十四年置舊縣

泊在馬萬歷三年復還縣治於此又南有黎崖山產異
馬一名馬頭山西有九渡河即祿豐縣大溪下流入元

江府界

嵩明州洪武十五年三月改曰嵩盟成化十八

年復故

東北有羅錦山東有禿高山西北有東葛勒山東南有烏納山牧深水出焉西南入滇池又東

南有嘉利澤亦曰楊林澤又西有邵甸河匯九十九泉至昆明為盤龍江西有邵甸縣洪武十五年三月屬州尋廢東南有楊林縣成化十七年十月廢又東有楊林守禦千戶所洪武二十五年置又西有兔兒關巡檢司西南距府百二十里

曲靖府

元曲靖路

洪武十五年三月為府二十七年四月升

為軍民府領州四縣二西距布政司二百九十里南

寧

倚東南有石堡山山西有元越州治洪武二十八年正月廢北有白石江汎合城南之瀟湘江又東南合

左小江亦謂之南盤江下流環雲南潞江廣西三府之境至羅平州入貴州界東北有白水關巡檢司亦

佐府東元屬羅雄州永樂初改屬府西南有現澤江

霑益州

東南有堆湧山北有北盤江其

上流即貴州畢節衛之可渡河流入州境又東南入貴州安南衛其西南又有南盤江即南寧縣之東山河南有交水縣東南有羅山縣東北有石梁縣元皆屬州洪武十五年皆廢南有平夷衛太平夷千戶所洪武二十一年十一月置二十三年四月改為衛後廢永樂元年復置衛衛當貴州西入之衛東有密岡西有定南嶺北有豫順關宣威關州東南又有越州衛洪武二十三年七月置二十四年十二月徙於陸涼州二十八年興州同廢永樂元年九月復置又州南有松韶舖阿幢橋二巡檢司又南有夷方城西南有松株城俱天啟五年築

西南距府二百十三里

陸涼州

東有邱雄山下有中洪澤即南盤江所匯

也西北有木容山有闕又西有部封山又西有茅華縣南有河納縣元皆屬州永樂初皆廢西南有陸涼衛洪武二十三年三月以古魯昌地置西南有喬甸萬厯二年立營置戍於此四十八年復設法古甸龍崗等營協守其北距府百二十里馬龍州東南有木容箐山洪武二十四年十二月

置寧越堡於此山下有木容溪下流即瀟湘江又西有揚磨山一名闕索嶺上有闕西南有通泉縣元屬州永樂初廢北有馬隆守禦千戶所本馬隆衛洪武二十三年七月置二十八年十月改為所南有魯婆伽嶺巡檢司又有馬龍縣元屬州洪武十五年廢西南有分水嶺闕東有三義口闕東距府七十里

羅平州元羅雄州萬厯十五年四月更名北有祿布山東南有盤江下流入貴

州募役長官司界南有定雄守禦千戶所萬厯十四年九月置西北距府二百七十里

尋甸府

元仁德府

洪武十六年十月辛未升為仁德軍民府

丁丑改尋甸軍民府成化十二年改為尋甸府

舊治在東今治

在鳳梧山下嘉靖七年十月徙西南有落隴雄山又有哇山西有果馬山其泉流為龍巨江下流入滇池又西南有三棱山上有九十九泉即盤龍江之上源又東有阿交合溪又北有為美縣西有歸厚縣元屬府洪武十五年三月因之尋廢東南有木密關一名易龍堡洪武二十三年四月置木密關守禦千戶所於此西南

距布政司二百六十里

臨安府

元臨安路

洪武十五年正月為府領州六縣四長官

司九北距布政司四百二十里

建水州

倚元時府在州北洪武中

移府治此西南有寶山西北有大餞山東有石巖山
瀘江水自石屏州流經此伏流入巖洞中東出為樂蒙
河又東北有曲江東入於盤江有曲江巡檢司又西有
禮社江源出趙州流經此又有寧遠州萬曆十四年析
建水州置四十八年廢東
南有納更山土巡檢司
石屏州
元曰
洪武十五年

三月改曰石平後改今名

南有鍾秀山東有采玉山產
石似玉有曲江又有異龍湖

周百五十里中有大小中三島具大島中島上
皆有城其水引流為瀘江西有寶秀關巡檢司
東距府

七十里

阿迷州

元阿霧
萬戶

洪武十五年三月置州

東南
有貢

吾山萬應初改名雷公山又南有盤江東有樂蒙河流
入焉又東有大井有東山口土巡檢司又有邵舊村巡
檢司後廢又有阿迷
西距府百二十里
寧州
東南有
登樓山

守禦城萬應二年築

東有水角旬山產蘆甘石又東有婆兮江源出潞江府撫仙湖下流入盤江又西南有沅江流合焉又東有西沙縣元屬州後省洪武十五年三月復置仍屬州尋復省西北有旬直巡檢司西南距府百八

十里

通海

府西北元屬寧州洪武十五年三月改屬府南有秀山北有通海湖東有守禦通海

前前右右二千戶所本元臨安路治洪武初

河西

府西

有曲江又西有祿卑江自新興州流入合於曲江又東北有緣溪河其下流即通海湖又北有曲陀關巡檢司

後嶧峨

府西北元屬寧州洪武十五年二月改屬府東有曲江自新興州流入又南有合流江西北有

丁癸江俱流合焉又西南有伽羅關西有興衣鄉二巡檢司

蒙自

府東南西有目則山東有雲龍山又

有羨哀山又東南有黎花江即禮社江也東南注於交趾清水江有黎花舊市柵宣德五年五月置臨安衛右

什戶所於此又西南有西溪二出銀礦又南有蓮花灘
即瀾滄江下流交趾沱江上流西南有箐口關巡檢司
又有大窩關楊柳河關東南有廢
果寨又有賀謹寨俱道通交趾

新平

府西北萬厯十
九年置東南有

魯奎山東有平甸河
司南有南崗巡檢司

新化州本馬龍他郎甸長官司

洪武十七年四月置直隸布政司弘治八年改為新化

州萬厯十九年來屬

北有徽崇山西有馬龍山蠻苗結
寨處元置馬龍部千戶於此屬元

江路洪武十五年廢又北有法龍山亦蠻苗結寨處又
東南有馬龍江即禮社江亦曰摩沙勒江有摩沙勒巡

檢司東北
有阿怒甸

東南距府五百三十里 寧遠州

元至治三
年二月置

直隸雲南行省 洪武十五年來屬宣德元年與安南 納樓茶

甸長官司

府西南本納樓千戶所洪武十五年置屬和泥府十七年四月改置北有冷罕洞產銀礦

又有祿豐江即禮社江下流又東有倘甸教化三部長官司

府東南元強現三部洪武中改

置西南有魯部河源出禮社江下流合蒙自縣黎花江

王弄山長官司

府東南元王弄山大

小二部洪武中改置虧容甸長官司

府西南元職容甸屬元江路洪武中改置來屬西有虧容

江源出沅江府東經車人寨出寧遠州境溪處甸長官司

府西南元溪處甸軍民副萬戶屬元

江路洪武中改置來屬思佗甸長官司

府西南元和泥路洪武十五年三月為府領納樓千

戶所伴溪七溪阿撒三蠻部十七年廢俊改置左能寨長官司

府西南本思佗甸寨洪武中改

置落恐甸長官司

府西南元伴溪落恐部軍民萬戶洪武中改置安南長官司

府東南元捨資千戶後改安南道防送軍千戶洪武十五年三月仍曰捨資千戶所尋改置長官司正德六年省入蒙自縣天啟二年復置

潞江府

元潞江路

洪武十五年三月為府領州二縣三西北

距布政司八十里

河陽

倚舊治在西洪武中遷續龜山上弘治中又遷縣東金蓮

山正德十三年又遷縣東賜溥山麓嘉靖二十年又遷金蓮山南隆慶四年又遷舞鳳山下即今治北有羅藏

山南有撫仙湖一名羅伽湖下流東會於盤江又東有鐵池河源出陸涼州流至此會撫仙湖復引流為鐵赤

河入於江川府西南南有故城崇禎七年圯於水遷於盤江舊江川驛即今治又南有星雲湖東南入

撫仙湖北有關陽宗府東北有明湖一名陽宗新
索嶺巡檢司湖源出羅藏山流入於盤江

興州

東北有羅磨山一名石崖山西北有大棋山又有葭習山山與晉寧州交界又有大溪下流至岷峨

縣入於西江有羅磨溪源出羅磨山入於大溪又北有晉舍縣南有研和縣元俱屬州洪武十五年三月因之

昇廢又北有鐵爐關巡檢司

東距府二百里

路南州

西南有竹子山東有劉龍

山石可煉銅西有已盤江源自陸涼州又有鐵赤河合焉東南有邑市縣元屬州弘治三年九月廢東北有革

泥巡檢司

西距府百三十里

廣西府

元廣西路

洪武十五年三月為府

西有阿盧山西北有已盤江又西有

南盤江又南有矣邦池一名龍甸海跨彌勒州界南入盤江

領州三西北距布政司

三百十里

師宗州

西有龜山萬厯四十八年集督捕城於此東有英武山西有盤江又

西北有巴盤江合焉
東北入羅平州界
西南距府八十里
彌勒州南有龍

山西有阿欽山東南有盤江山南盤江經其下又東有八旬溪南合南盤江又西有十八寨山嘉靖元年二月

置十八寨守禦千戶所於此直隸
雲南都司又南有捏招巡檢司
東北距府九十里

維摩州元天德四年二月置東北有小維摩山東南有大維摩山又有阿母山又東北有寶寧溪下流

經廣南府界合西洋江西有
三鄉城萬曆二十二年築
西北距府二百二十里

廣南府元廣南西路宣撫司
洪武十五年十一月改置廣南府西北

有牌頭山土人築砦其上南有西洋
江東南至廣西田州府入於左江
領州一西北距布

政司七百里
富州元至元十三年置屬廣南西路
洪武十五年

改屬府

東南有者鷓山東北有西寧山又東有楠木溪至州南與南江溪合伏流十五里東出於西洋

江西南有安寧州東北有羅佐州俱元至元十三年置屬廣南西路洪武十五年因之後俱廢西距府

二百里

元江軍民府

元元江路

洪武十五年三月為府永樂初升軍

民府領州二東北距布政司七百九十里 奉化州

倚木

因逐羅必甸長官司洪武十八年四月置嘉靖中改州東有羅槃山亦名玉臺山又有路通山東南有元江亦曰禮社江東南入納樓茶甸長官司界西南有瀾滄江與車里宣慰司分界又西有步日部洪武中廢又東有

禾摩村巡檢司

恭順州

本地即寨長官司嘉靖中改州

楚雄府

元咸楚開南路

洪武十五年三月改為楚雄府領州二

縣五東距布政司六百里

楚雄

倚元曰咸楚洪武十五年二月更名西有

徽溪山又有龍川江經城北青峰下曰峨嵋江下流入武定府合金沙江西有波羅澗其麓有酒水元設鹽課

司於此明廢西北有呂合巡檢司

廣通

所東元屬南安州洪武十五年因之後改屬所東北有盤龍山

亦曰九盤山西有羅苴甸山東有鹽倉山舊產鹽又有

卧象山東南有卧獅山俱產銀礦又東北有阿陋雄山

有阿陋井猴井俱產鹽又東有捨資河自武定府流入

下流入於元江又北有大河西北入定遠縣之龍川江

東有捨資巡檢司東北有沙矣

定遠

府西北有赤石山東有龍川江又

舊西有回蹬關二土巡檢司

有黑鹽井設提舉於此又有琅井提舉司未置於安寧

州天啟三年移此有黑井琅井二巡檢司又西南有羅

平關南有會基

定邊

府西元至元十二年置屬鎮南州
洪武中改屬北有累盤山上有自

昔關又有無量山南有定邊河
又有陽江自蒙化府流合焉

碕嘉

府南元置西有黑
初山東北有卜門

河在卜門山下又東北合馬龍江流入
新化州又西有上江河接南安州界

南安州

東有
健林

蒼山又西南有表羅
山產銀北有捨資河

西北距府五十里

鎮南州

東北
有石

吠山東有五樓山西南有馬龍江其上流為定邊河又
東南入碕嘉縣界又西有平夷川龍川江之上流又有

沙橋巡檢司又有鎮南關英
武關阿雄關三土巡檢司

東南距府五十里

姚安軍民府

元姚
安路

洪武十五年三月為府二十七年四

月升軍民府領州一縣一東南距布政司七百里

姚

州

倚元屬大理路洪武十五年三月來屬東有東山一名飽烟麓山東北有金沙江南有青蛉河源出三寨

山下流合大姚河北有守禦姚安千戶所洪武二十八年置東有箭場西有普昌南有三寨西南有普湖四巡

檢大姚府北元屬姚州洪武十五年三月因之後改屬府西北有赤石崖北有大姚河源出書寨山西

北有龍蛟江源出鐵索箐一名苴泡江產金俱東北流入金沙江南有白鹽井提舉司轄鹽井九又有白鹽井

巡檢司東有姚安中屯十戶所洪武二十八年置

武定府

元武定路

洪武十五年三月為府尋升軍民府隆慶

三年閏六月徙治獅子山萬厯中罷稱軍民領州二縣

一東南距布政司百五十里

和曲州

倚舊城在南元州治於此隆慶

三年十二月徙州為府附郭令吏目領兵守焉西北有三臺山北有金沙江源出吐蕃共龍川犂牛石下流經麗江鶴慶二府至本府北界東流入黎溪州又東入四川會川衛界有金沙江土巡檢司又有烏龍河流入金沙江又西北有西溪河即楚雄府龍川江下流又有只舊草起二鹽井東有南甸縣元路治洪武十五年三月改屬州成化二十年仍屬府正德元年七月省西北有乾海子又有羅摩洱又南有小甸關三巡檢司西北有龍街關土元謀府西北有往雄山又有竹沙雄巡檢司

祿勸州

北有法塊山又有哇匿歪山東北有幸邨山又有烏蒙山一名絳雲山北有金沙江江與四川

東川府界又東有普渡河即螳螂川下流會掌鳩河水又於金沙江北有易籠縣元屬州洪武十七年省東有石舊縣元屬州天啟元年十月省又北有普渡河巡檢司南有撒墨巡檢司後廢

西距府二十

里

景東府

元至順二年二月置

洪武十五年閏二月因之三月降為

州屬楚雄府十七年正月仍升為府

西有景董山洪武中築景東衛城於

其上又築小城於山顛謂之月城北有蒙落山一名無量山西南有瀾滄江源出金齒流經所西南二百餘里南注車里為九龍江下流入交趾東南有大河即定邊河之下流又東入鎮南州為馬龍江又南有土井產鹽北有開南州元屬威楚州南路洪武十五年三月屬楚雄府尋省又有三汭河西北有保甸二土巡檢司又北有安定關南有木瓜關東南有景
東北距布政司千一

蘭闊西南有蘭津橋鐵索為之

百八十里

鎮沅府

本鎮沅州

洪武三十五年十二月置永樂四年四月

升為府

西有波弄山山上下有鹽井六南有杉木江源出者樂甸下流合威遠州之谷賈江

領長

官司一北距布政司千五十里 祿谷寨長官司

府東北永

樂十年四月以祿平寨置北有馬客山南有南浪江西南流合杉木江

大理府

元大理路

洪武十五年三月為府領州四縣三長官

司一東南距布政司八百九十里

太和

倚西有黔蒼山東有西洱

河一名洱海自浪穹縣流入經天橋下又東合黔蒼山之十八川匯於此中有三島四洲九曲西有漾備江一日漾鼻水自劍川州流入經黔蒼山後合於西洱河又西南流入瀾滄江南有太和土巡檢司又北有龍首關

亦曰上關南有龍尾關亦曰下關

趙州洪武十五年三月改名趙喜

州尋復

南有九龍頂山又有定西嶺大江之源出焉一名波羅江西北入西洱河又西南有楸備江南

入蒙化府界東南有白崖賧江源出定西嶺下流為禮社江有舊白崖城嘉靖四十三年修築更名彩雲城又東有乾海子南有迷度市二巡檢司又有定西嶺上巡檢司西北距府三十里領縣

一雲南

州東元雲南州洪武十五年三月改為縣屬府十七年改屬州西北有寶泉山有一泡江

東北有周官步子海西有品甸洪武十九年四月置洱海衛於此又東北有板場又有楚甸南有安南坡三巡

檢司鄧川州

北有鍾山又有普陀江一名蒲萄江又名彌苴往江南入西洱河又東有豪豬洞一

名銀坑又有青索鼻土巡檢司

南距府七十里領縣一

浪穹

州東東北有佛

光山山半有洞可容萬人山後險仄名一女關又有蓮花山有蒙次和山皆險峻西南有鳳羽山北有龍谷山洱水所出西有株備江西北有寧湖亦曰明河即普陀江上源又有五鹽井提舉司洪武十六年置萬厯四十二年廢西南有鳳羽縣洪武十五年三月置屬鄧州尋省有鳳羽鄉巡檢司又東南有普陀崆巡檢司後廢西有上江嘴西南有下江嘴二土巡檢司

賓川州弘治六年四月析趙州

及太和雲南二縣地置

西有鷄足山一名九曲巖東北有金沙江東入姚安府界西有

金龍湫流入西洱河又東有大羅衛在鍾英山下弘治六年四月與州同置又東北有赤石崖西南有賓居二巡檢司西有神摩洞又南有蔓神寨北有白羊市二巡檢司後廢又北有金沙江土巡檢司

西距府

百里

雲龍州

元雲龍甸軍民府至元末置

洪武十七年改為州來

屬正統間屬蒙化府後仍來屬

西有三峰山東有瀾滄江又西北有諾鄧等鹽

井東南有大井等鹽井舊俱轄於五井提舉司後改屬州東有雲龍甸巡檢司後廢東北有順鹽井又有上五

井東有師井北有箭桿場四巡檢司又東有十二關土巡檢司舊俱屬浪穹縣後改屬

東南距府

六十里 十二關長官司

府東元十二關防送千戶所洪武中改置嘉靖元年五月

徙於一泡江之西

鶴慶軍民府

元鶴慶路

洪武十五年三月為府三十年十一

月升軍民府

南有方丈山又有半子山產礦東有金沙江東南有漾共江即鶴川其下流入金沙

北有木按州又有副州元俱屬府洪武十五年俱廢東北有宣化關西南有觀音山又有清水江三巡檢司

領州二東南距布政司千一百六十里

劍川州

元劍川縣

洪武十五年三月因之十七年正月升為州

西南有石寶山南有

劍川湖俗呼海子樣備江之下流又西南有彌沙井鹽課司又有彌沙井巡檢司

東距府九十

里 順州

元屬麗江路

洪武十五年三月屬北勝府尋來屬

西有金沙江東有洛海浦與北勝州分界

西距府百二十里

麗江軍民府

元麗江路宣撫司

洪武十五年三月為府三十年

十一月升軍民府領州四東南距布政司千二百四十

里 通安州

倚西北有玉龍山一名雪嶺又有金沙江古名麗水源出吐蕃界犁牛石下名犁水

犁訛麗流經巨津寶山二州至武定府
北流入四川大江西有石門關巡檢司

寶山州

西南有阿

郡山南有

西距府二百四十里

蘭州

元屬麗江路

洪武十

五年三月屬麗江府尋屬鶴慶府後仍來屬

北有福源山西北有

瀾滄江源出吐蕃嵯和歌甸流入境南入雲龍州界

東北距府三百六十里

巨

津州

南有華馬山北有金沙江流入州界有鐵橋跨其上西北有臨江縣元屬州洪武十五年三月因之

弘治後廢又東北有雪山關

東南距府三百里

永寧府

元屬麗江永寧州路

洪武十五年三月屬北勝府十七年

屬鶴慶府二十九年改屬瀾滄衛永樂四年四月升為

府

金沙江在西又東有瀘沽湖周三百里中有三島又東南有魯窟海子在于木山下下流入四川鹽井衛

之打冲河又北有勒汲河自吐蕃流入亦東流入打冲河又南有羅易江自蕩蕩州流入注於瀘沽湖

顧

長官司四東南距布政司千四百五十里 刺次和長

官司

府東

革甸長官司

府西

香羅甸長官司

府西

瓦魯之

長官司

府北四司俱永樂四年四月置

北勝州

元北勝府屬麗江路

洪武十五年三月屬布政司尋降為

州屬鶴慶府二十九年改屬瀾滄衛正統七年九月直

隸布政司弘治九年徙治瀾滄衛城

瀾滄衛舊在州南本瀾滄衛軍民指

揮使司洪武二十八年九月置屬都司弘治九年徙州來同治尋罷軍民司止為衛西南有瀾滄山南有九龍山西有金沙江環繞州治亦曰麗江又南有陳海又有呈湖東南有浪峨海下流俱入金沙江東有羅易江下流入永寧府界北有蕩蕩州元屬麗江路洪武十五年三月屬北勝府尋屬鶴慶軍民府二十九年改屬瀾滄衛天啟中廢東有南距布政司千二十五里

宰番土巡檢司

永昌軍民府

元永昌府屬大理路

洪武十五年三月屬布政司十

八年二月置金齒衛屬都司二十三年十二月省府

升衛為金齒軍民指揮使司嘉靖元年十月罷軍民司

止為衛復置永昌軍民府領州一縣二安撫司四長官

司三東距布政司千二百里

保山

倚本金齒千戶所洪武中置永樂元

年九月又置永昌府守禦千戶所俱屬金齒軍民司嘉靖三年三月改二所為保山縣東有宸牢山本名安樂夷語宸牢西有九隆山又東北有羅岷山瀾滄江經其麓又南有潞江舊名怒江一名喳里江自潞江司流入又北有清水河經縣東南峽口山下伏流東出入瀾滄江又有潞江州宣德八年六月置直隸布政司正統二年五月廢又東北有沙木和西北有清水關二巡檢司又北有甸頭南有水眼二土巡檢司永平府北元屬永昌府洪武二十四年屬金齒軍民司嘉靖元年仍屬府西南有博南山一名金浪巔山俗訛為丁當丁山上有關又有花橋山產鐵礦又東北有橫嶺山驛道所經東有銀龍江下流入瀾滄江又東北有勝備江下流入蒙化府樣備江又西南有花橋河源出博南山流入銀龍江上有花橋關亦曰玉龍關又東北有上甸

定夷關巡檢司東有
打牛坪土巡檢司

騰越州

元騰衝府
屬大理路

洪武十五年

三月屬布政司尋廢永樂元年九月置騰衝守禦千戶

所屬金齒軍民司宣德六年八月直隸都司正統十年

三月升所為騰衝軍民指揮使司嘉靖三年十月置騰

越州屬府十年十二月罷司為騰衝衛

東有球牟山東
南有雞生山南

有羅佐衛山上有鎮夷關有巡檢司又東北有高黎共
山一名崑崙岡西北有明光山有銀礦銅礦西有大盈
江亦曰大車湖自徽外流入下流至比蘇蠻界注於金
沙江又東北有龍川江源出徽外峨昌蠻地之七戴甸
下流合於大盈江有藤橋在其上有龍川江關巡檢司
又西南有壘水河即大盈江之支流又有騰衝土州宣

德五年六月置屬金齒軍民司後直隸布政司正統三年五月仍屬金齒軍民司尋廢又西有古勇關 東

北距府二百七十五里

潞江安撫司

元柔遠路

洪武十五

年三月為府後廢屬麓川平緬司永樂元年正月析置

潞江長官司直隸都司十六年六月升安撫司宣德元

年六月改隸布政司正統三年六月屬金齒軍民司嘉

靖元年十月屬府

北有潞江一名起江源出吐蕃雍望甸南流經此折而東南入府界東岸

有潞江關北岸有細甸又西有鎮姚守禦千戶所萬歷十三年置治老姚關鳳山之阿又西有全勝關 東

北距府三百五十里

鎮道安撫司

楊塘安撫司

二司

地舊屬西番與
麗江府接界

俱永樂四年正月置屬金齒軍民司嘉

靖元年屬府

瓦甸安撫司本瓦甸長官司宣德二年

置屬金齒軍民司九年二月直隸都司正統三年五月

仍屬金齒軍民司五年十一月升為安撫司嘉靖元年

屬府 鳳溪長官司

府東洪武二十三年十一月置屬
金齒軍民司嘉靖元年改屬府

拖甸長官司

府南元石甸長官司洪武十七年五月更
名屬府二十三年屬金齒軍民司嘉靖元

年仍屬府西有坪市河下流入於怒江東南有猛淋寨
萬曆十三年置鎮安守禦千戶所於此南有金齒巡檢

司治浦關又南
有石甸巡檢司

茶山長官司

永樂五年析孟養地置屬
金齒軍民司嘉靖元年屬

府東有高

黎共山

蒙化府

元蒙化州屬大理路

洪武十五年三月因之正統十三年

六月升為府

北有龍宇圖山又有甸頭山一名天耳山南有甸尼山西有陽江源出甸頭澗下流

至定邊縣入定邊河又西有樣備江一名神莊江與永平縣分界南入順寧府境為黑惠江西南有瀾滄江有甸頭甸尾樣備瀾滄江四巡檢司又西南有備溪江土巡檢司又東有迷渡市嘉靖初築

東距布政

司八百六十里

順寧府

元泰定四年十一月置

洪武十五年三月庚戌因之己未

降為州屬大理府十七年正月仍升為府

西北有樂平山南有把邊

山中有北邊關東北有瀾滄江又有黑惠江即樣備江也又名皇會江南流至府東泮山下合於瀾滄江又城東有順寧河源出甸頭村山菁流入雲州之孟祐河南有寶通州又有慶甸縣元俱與府同置洪武十五年省又西南有矣堵寨萬歷三十年置右甸守禦土千戶所於此北有錫鉛寨又有牛街又有猛麻又有錫蠟寨董盤寨蟒水寨亦壁嶺七巡檢司

領州一東距布政司千五百五十里

雲州本大侯長官司永樂元年正月析麓川平緬地置直隸都司宣德三年五月升為大侯禦夷州直隸布政

司萬歷二十五年更名來屬

舊治在南萬歷三十年移於今治南有瀾滄江東有

孟祐河流入焉有臘丁卿巡檢司後廢

西距府百五十里領長官司一

孟緬長官司

州西南宣德五年六月以景東府之孟緬孟杭地置屬景東府後直隸布政司萬曆

二十五年來屬有大猛麻又有猛撒二土巡檢司與猛緬稱為三猛

車里軍民宣慰使司

元車里路泰定二年七月置即大微里

洪武十五年

閏二月為軍民府十九年十一月改軍民宣慰使司永

樂中廢宣德六年復置

東北有瀾滄江與九龍江會達於交趾為富良江而入於海又

有沙木江東有小微里却永樂十九年正月置車里靖安宣慰使司宣德九年十月省入車里又有元耿凍路至正七年正月置又有耿當孟弄二州亦元末置洪武十五年俱省入車里

西北距布政司

三十四程

緬甸軍民宣慰使司本緬中宣慰司洪武二十七年六

月置尋廢永樂元年十月復置更名

北有大金沙江其上流即大盈江也

源出青石山自孟養境內流經司北江頭城下流注於南海東有阿瓦河自孟養流入境下流入大金沙江

又北有江頭城太公城馬來城安正國城蒲甘緬王城謂之緬中五城元後至元四年十二月置邦牙宣慰司

於蒲甘緬王城至正二年六月廢至元二十六年置太公路於太公城洪武十五年三月為所後廢 領長

官司一東北距布政司三十八程 東倘長官司

宣德八年

九月置

木邦軍民宣慰使司

元木邦路至順元年三月置

洪武十五年三月

為府後廢三十五年十二月復置永樂二年六月改軍

民宣慰使司

北有慕義山西有喳里江即潞江自芒市流入境又西南入緬甸界又北有蒙憐路

蒙來路俱元置洪武十五年三月俱為東北距布政司府後俱廢又西北有孟炎甸有天馬關

三十五程

八百大甸軍民宣慰使司

元八百等處宣慰使司

洪武二十四年

六月改置

東北有南格刺山下有河與車里分界有八百者乃軍民宣慰使司永樂二年四月分八

百大甸地置後廢又有蒙慶宣慰司元泰定四年閏月置至正二年四月罷洪武十五年三月復置府後廢又有孟昶路元元統元年置屬八百宣慰司洪武十五年三月為府後廢又有木按孟傑二路俱元置洪武十五

年三月俱為
府後俱廢北距布政司三十八程

孟養軍民宣慰使司

元雪遠路

洪武十五年三月為府十七

年改為孟養府後廢三十五年十二月復置永樂二年

六月改軍民宣慰使司正統十三年廢萬曆十三年改

置長官司

東有鬼窟山又有茫崖山又有大金沙江其上流即大盈江南流入於緬甸又南有密堵

城有達送城又南有戛撒寨西有猛倫西南有孟拱戛里猛別蓋西諸部

東北距布政司三

十七程

老撾軍民宣慰使司永樂二年四月置

東南有三關與安南界

西

北距布政司六十八程

南甸宣撫司

元至元二十六年置南甸路

洪武十五年三月為府後

廢屬騰衝守禦千戶所永樂十二年正月置州直隸布

政司正統三年五月改屬金齒軍民指揮使司九年六

月升宣撫司仍直隸布政司

東有丙弄山又有蠻干山南有沙木龍山上有沙木

龍關西有大盈江東北有小梁河西南經南牙山下曰南牙江入干崖境內又東南有五乃河即騰越州之龍

川江又南有黃連坡關東北有小隴川關

東北距布政司二十二程

干崖宣撫司

元鎮西路

洪武十五年三月為府後廢屬麓川

平緬司永樂元年正月析置干崖長官司直隸都司後

屬金齒軍民指揮使司宣德五年六月復屬都司正統

三年五月復屬金齒軍民指揮使司九年六月升宣撫

司直隸布政司

東有雲籠山西有大盈江又南有檳榔江自吐蕃界流合焉東有安樂河即小

梁溪下流經雲籠山下曰雲籠江經司治北折而西合於檳榔江又西北有南賧元置洪武中廢又西有雷弄

蓋達等部東北距布政司二十三程

隴川宣撫司本麓川平緬軍民宣慰使司正統六年廢

九年九月改置治隴把

元平緬路在隴把東北洪武十五年閏三月置平緬宣慰使司

三月又改路為府未幾府廢十七年八月丙子升司為平緬軍民宣慰使司甲午改麓川平緬軍民宣慰使司省麓川路入焉元麓川路在隴北南洪武十五年三月為府未幾府廢十七年八月為麓川平緬軍民宣慰司治所正統中司廢曰平麓城亦曰孟卯城萬應十二年置宣撫同知於此又西南有通西軍民總管府元至元二十六年置洪武十五年三月為府後廢又東南有遮拔城萬應十二年置宣撫副使於此北有馬鞍山西北有大金沙江又有麓川江即龍川江自南東北距布政司六十六程

孟定禦夷府

元孟定路至元三十一年四月置

洪武十五年三月為府

東北有無量山又有喳哩江與麓川江合東南有謀粘路元泰定三年七月置有木連路元至正二十六年置

洪武十五年三月
俱因之後俱廢

領安撫司一東北距布政司十八程

耿馬安撫司萬厯十三年析孟定地置

西有三尖山
南有喳哩山

與孟定
分界

北距府百里

孟艮禦夷府永樂三年七月置直隸都司後直隸布政

司

東有木朵路又有孟隆路俱元泰定三年九月置東
北有孟愛等甸軍民府元至元二十六年置洪武十

五年三月俱
為府後俱廢

北距布政司三十八程

威遠禦夷州

元威遠州屬威楚路
後改威遠蠻棚府

洪武十五年三月仍

為威遠州屬楚雄府十七年升為府後廢三十五年十

二月復置州直隸布政司

北有蒙樂山接景東府界西北有威遠江一名谷寶江下

沅合瀾

滄江

東北距布政司十九程

灣甸禦夷州本灣甸長官司永樂元年正月析麓川平

緬地置直隸都司三年四月升為州直隸布政司

西北有高

黎共山北有姚關與順寧府界

東北距布政司二十程

鎮康禦夷州

元鎮康路

洪武十五年三月為府十七年降為

州後廢以其地屬灣甸州永樂七年七月復置直隸布

政司

西有喳哩江接潞江安撫司界南有昔刺寨西南有控尾寨

東北距布政司二

十三程

孟密宣撫司本孟密安撫司成化二十年六月析木邦

地置萬厯十三年升為宣撫司

東北有南牙山與南甸
分界西南有摩勒江有

大金沙江俱與緬甸分界又有寶井
北有猛乃猛哈東北有孟廣等部

東北距布政司三

十三程

蠻莫安撫司萬厯十三年析孟密地置

東北有等練山
西南有那莫江

下流入大金沙江
又西有孟木寨

東北距布政司三十一程

者樂甸長官司永樂元年正月析麓川平緬地置直隸

都司後改直隸布政司

南有瀾滄江又東有景來河自景東府流入下流入焉龍江

東北距布政司千一百七十里

鈕兀禦夷長官司宣德八年十月以和泥之鈕兀五隆

二寨置北距布政司十六程

芒市禦夷長官司

元芒施路

洪武十五年三月為府後廢正

統八年四月改置屬金齒軍民指揮司後直隸布政司

西南有永昌幹山又有孟契山又有大盈江西南經青石山下又西有麓川江來合焉東北距布

政司二十三程

孟連長官司

舊為麓川平緬司地後為孟定府

永樂四年四月置直隸

都司

東南有木來所元置洪武十五年三月因之後廢

東北距布政司二十三

程

大古刺軍民宣慰使司

在孟養西南亦曰概古濱南海與暹羅鄰

底馬撒軍

民宣慰使司

在太古刺東南

小古刺長官司 茶山長官司

底板長官司

孟倫長官司

八家塔長官司

皆在西南極邊

俱永樂四年六月置

刺和莊長官司永樂四年十月置直隸都司

促瓦長官司

散金長官司

舊俱為麓川
平緬司地

永樂六年四

月置

麻里長官司永樂六年七月析孟養地置直隸都司

八寨長官司永樂十二年九月置直隸都司

底兀刺宣慰使司永樂二十二年三月置

地舊為大古
刺所據上諭

還之故
置司

廣邑州本金齒軍民司之廣邑寨宣德五年五月升為

州八年十一月直隸布政司正統元年三月徙於順寧

府之右甸

貴州禹貢荆梁二州徼外元為湖廣四川雲南三行中

書省地洪武十五年正月置貴州都指揮使司

治貴州宣慰司

其民職有司則仍屬湖廣四川雲南三布政司永樂十

一年置貴州等處承宣布政使司

與都指揮司同治

領府八州

一縣一宣慰司一長官司三十九後領府十州九縣十

四宣慰司一長官司七十六北至銅仁

與湖廣四川界

南至鎮

寧

與廣西雲南界

東至黎平

與湖廣廣西界

西至普安

與雲南四川界

距南京

四千二百五十里京師七千六百七十里弘治四年編
戶四萬三千三百六十七口二十五萬八千六百九十
三萬歷六年戶四萬三千四百五十口二十九萬九百七
十二

貴陽軍民府本程番府成化十二年七月分貴州宣慰
司地置治程番長官司隆慶二年六月移入布政司城
與宣慰司同治三年三月改府名貴陽萬歷二十九年
四月升為軍民府領州三縣二長官司十六

新貴

倚本

貴竹長官司洪武五年正月置屬宣慰司萬厯十四年二月改置縣來屬西有獅子山西北有木閣箐山在水西境內北有貴人峰又西有白龍洞北有烏江源出水西與四川遵義府分界北流至四川彭水縣入涪陵江西北有陸廣河下流入於烏江有陸廣河巡檢司又西有宅溪又西北有蔡家關一名響水關又有潤水關

貴定

倚萬厯三十六年析新貴縣及定番州地置東有銅鼓山有石門山南有高連山有南門河又東有

龍洞河下流俱入陸廣河

開州崇禎四年十一月以副宣慰洪邊

舊地置西南距府一百二十里 廣順州本金筑長官

司洪武五年三月置屬四川行省十年正月改安撫司

十九年十二月屬廣西二十七年仍屬四川二十九年

屬貴州衛正統三年八月直隸貴州布政司成化十二

年七月屬程番府隆慶二年六月屬貴陽府萬曆四十

年置州

東南有天堂山
北有天生橋

南距府一百一十里 定番州

元程番武勝
軍安撫司

洪武五年罷成化十二年七月置程番府

領金筑安撫司上馬橋大龍番小龍番程番方番韋番

卧龍番洪番小程番盧番羅番金石番廬山木瓜大華

麻响十六長官司隆慶二年六月移府入布政司城萬

曆十四年三月置州距府八十五里領長官司十六

程番長官司

倚洪武五年三月置屬貴州衛正統三年八月屬貴州宣慰司成化十二年七月屬

程番府萬歷十四年三月屬州北有青巖南有都泥江源出州西北亂山中曰濛濛經司南州境之水皆流合

焉入廣西南丹州界
下十二司所屬做此
小程番長官司

州西北元小程番安撫司洪武六年

正月
改置
上馬橋長官司

州西北洪武十五年六月置

盧番長官司

州北元

番靜海軍安撫司洪武六年正月改
置省元盧番蠻夷軍民長官司入焉

韋番長官司

州南元

番蠻夷長官司洪武十五年六月改置

方番長官司

州南元方番河中府安撫司洪武五年改

置
洪番長官司

州西元洪番永威軍安撫司洪武六年正月改置

卧龍番長官

司

州南元卧龍番南寧州安撫司洪武五年改置

小龍番長官司

州東南元小龍番靜蠻軍

安撫司洪武六年正月改置

大龍番長官司

州東南元大龍番應天府安撫司洪武五年改

置金石番長官司

州東元金石番太平軍安撫司洪武五年改置

羅番長官司

州南元羅番大龍過蠻軍安撫司洪武五年改置

廬山長官司

州南元廬山等處蠻夷軍安撫

司洪武六年正月改置

木瓜長官司

元木瓜等處蠻夷軍民長官司洪武五年改置屬貴州衛

正統三年八月屬金筑安撫司成化十二年七月屬程番府萬歷十四年三月屬州下二司倣此

麻响

長官司

洪武七年六月置

大華長官司

洪武七年六月置

貴州宣慰使司

元改順元路軍民安撫司置屬湖廣行省

洪武五年正月屬

四川行省九年六月屬四川布政司永樂十一年二月

來屬

有沙溪的澄河二巡檢司又
有黃沙渡龍谷二土巡檢司

領長官司七

水東

長官司

宣慰司北元水東寨長官司洪武五年改
置後廢永樂元年六月置屬都司後來屬

中曹

蠻夷長官司

宣慰司東南元中曹百納等處長官司
屬管番民總管洪武五年改置來屬

龍

里長官司

宣慰司東元龍里等寨長官司屬
管番民總管洪武五年改置來屬

白納長官

司

宣慰司東南元茶山白納等處長官司洪武
五年并入中曹司永樂四年五月置來屬

底寨長

官司

宣慰司北元底寨等處
長官司洪武五年改置

弄西蠻夷長官司

宣慰司
東北元

弄西軍民府屬管番民總管洪武五年改置
後廢永樂元年六月復置屬都司後來屬

養龍坑長

官司

宣慰司北元養龍坑宿微等
處長官司洪武五年改置

安順軍民府

元安順州
屬普定路

洪武十五年三月屬普定府十

八年直隸雲南布政司二十五年八月屬四川普定衛

正統三年八月直隸貴州布政司成化中徙州治普定

衛城萬曆三十年九月升安順軍民府

普定衛舊在州
西北洪武十五

年正月置屬四川都司三月升軍民指揮使司正統三
年改屬貴州都司成化中州自衛東南來同治西北有

舊城山兩峰相對中有石關東有巖孔山北有歡喜嶺
又有思臘河接水西界西南有北盤江自雲南霑益州

流入東南有九溪河又東有元普定路屬雲南行省洪
武十五年三月為府屬雲南布政司尋并軍民府改屬

四川布政司十
八年七月廢
領州三長官司六東距布政司百五十

里 寧谷寨長官司

府西南洪武十九年置屬安順州
二十五年八月屬普定衛正統三

年八月仍來屬下
此東南有乾海子

西堡長官司

府西北建置所屬同
上北有浪伏山元置

習安州於山下屬普定路洪武十五年三月屬普定府
後廢又北有白石巖東南有楚油洞山北有谷龍河下

流合
烏江

鎮寧州

元至正十一年四月以
火烘夷地置屬普定路

洪武十五年三

月屬普定府二十五年八月屬普定衛後僑治衛城正

統三年八月直隸貴州布政司嘉靖十一年六月徙州

治安莊衛城萬曆三十年九月屬府

安莊衛舊在州西
洪武二十三年五

月置屬貴州都司萬曆三十五年九月州自衛東來同
治南有白水河又有烏泥江即都泥江源出山箐中東

南流入金坑
安撫司境

東距府五十五里領長官司二 十二營

長官司

州北洪武十九年置屬安順州二十五年八月
屬普定衛正統三年八月來屬下徵此東北有

天生橋又有公具
河北有阿破河

康佐長官司

州東建置
所屬同上

永寧州

元

打罕夷地置
屬普定路

洪武十五年三月屬普定府二十五年八

月屬普定衛後僑治衛城正統三年八月直隸貴州布

政司嘉靖十一年三月徙州治關索嶺守禦千戶所城

萬厯三十年九月屬府

關索所舊在州西南洪武二十
五年置屬安莊衛萬厯三十年

九月州自所東北來同治西北有紅崖山西
有北盤江自普安州流入有盤江河巡檢司

東北距府

一百二十里領長官司二 募役長官司

州西洪武十九年置屬安

順州二十五年八月屬普定衛正統三年八月來屬下
傲此北有安龍箐山西北有象鼻嶺東有北盤江與永

寧州分界東南流南盤江自雲南羅
平州來合焉又南入廣西泗城州界 項營長官司 州北洪武

四年置所屬同上東
有闊索嶺西有盤江 普安州本貢寧安撫司建文中

置屬普安軍民府永樂元年正月改普安安撫司屬四

川布政司十三年十二月改為州直隸貴州布政司萬

曆十四年二月徙治普安衛城三十年九月屬府 普安衛舊

在州南洪武十五年正月置屬雲南都司後改屬貴州
都司二十二年三月升軍民指揮使司萬曆十四年二

月州自衛北來同治東有八部山元普安路治山下屬雲南行省洪武十五年三月為府屬雲南布政司尋升軍民府二十七年四月改屬四川永樂後廢東北有松孤山又西北有番納牟山一名雲南坡又東南有得都山一名白崖產雄黃水銀又東有盤江東南有者卜河下流入於盤江東有芭蕉關西有分水嶺關東南有安籠箐關又西南有樂民守禦千戶所西有平夷守禦千戶所俱洪武二十二年置又東南有安南守禦千戶所又有安籠守禦千戶所俱洪武二十三年置皆屬普安衛正統十年四月徙安南所於羅渭江

府三百三十五里

都勻府本都勻安撫司洪武十九年十二月置二十三年十月改都勻衛屬貴州都司二十九年四月升軍民

指揮使司屬四川布政司永樂十七年仍屬貴州都司

弘治七年五月置都勻府於衛城

西有龍山南有獨山鎮巡檢司北有平定

關西有威鎮關俱洪武二十四年置

鎮州二縣一長官司八西北距布政

司二百六十里

都勻長官司

府南元上都勻等處軍民長官司洪武十六年

更名南有都勻河亦名馬尾河

邦水長官司

府西元中都雲板水等處軍民長官司屬管番民總

管洪武十六年更名邦水河在東南木名板河即都勻河上源

平浪長官司

府西洪武十六

年置西南有凱陽山上有減苗鎮即改凱口因東南有麥冲河

平洲六洞長官司

府西

南洪武十六年置西南有六洞山南有平洲河中有沙洲

麻哈州本麻哈長官司

洪武十六年置屬平越衛弘治七年五月升為州來屬

南有麻哈江即邦水河之上源

南距府六十里領長官司二 樂平

長官司

州西北洪武二十四年五月置屬雲南後屬平越衛弘治七年五月來屬東北有馬場山南有

樂平

平定長官司

州西北洪武二十二年置屬平越衛三十年屬清平衛弘治七年五月來

屬東有山江河

獨山州本九名九姓獨山州長官司洪武十

六年置屬都勻衛弘治七年五月升為獨山州屬府

南有

獨山有獨山江即都勻河下流南入廣西天河縣界為龍江

北距府百五十里領縣

一長官司二 清平

府北本清平長官司洪武二十二年置屬平越衛三十年屬清平衛

弘治七年五月改為縣屬麻哈州後來屬東有香爐山
嘉靖十二年四月徙清平衛中左所於此北有雲溪洞
南有木級坡又東有山江河源出香爐山有舟溪江流
合焉亦都勻河上源又南有雞場關北有羅冲關俱洪
武二十五年置又合江州陳蒙爛土長官司州東洪武
十六年置
東北有黎樹等寨
屬都勻衛弘治七年五
月屬州東南有梅花洞
弘治七年五月屬
州西南有行郎山

平越軍民府

元平月
長官司

洪武十四年置平越守禦千戶所

十五年閏二月改為平越衛十七年二月升軍民指揮
使司領長官司五屬四川布政司尋屬貴州都司萬厯

二十九年四月置平越軍民府於衛城以播州地益之

屬貴州布政司

東有峨黎山又有七盤坡東南有麻哈江其上游即黃平州之兩岔江南有馬

場江又有羊場河俱東入於麻哈江南有武勝關西南有通津關東南有羊場關

領衛二州一

縣三長官司二西距布政司百八十里 清平衛洪武

二十三年六月置屬貴州都司萬厯二十九年來屬

衛治

在清平縣北一里

西南距府六十里 興隆衛洪武二十二年

六月置屬貴州都司萬厯二十九年來屬

北有龍岩山亦名龍洞山

又有截洞甚深險東有飛雲岩

西南距府百二十里 黃平州本黃平

安撫司洪武七年十一月置屬播州宣慰司萬厯二十

九年四月改為州來屬

東有七里谷西南有兩岔江以兩源合流而名又東有冷水河

西北有黃平守禦千戶所洪武十一年正月置十五年正月改為衛閏二月仍為千戶所南距府三

十里餘慶

州西本餘慶長官司洪武十七年置屬播州宣慰司萬厯二十九年六月改為縣來

屬東有白泥長官司亦洪武十七年置屬播州宣慰司萬厯二十九年四月省入餘慶縣南有小烏江下流入於烏江東南有白泥河下流合於思南甕安

州西北本甕水安撫

司洪武初置萬厯二十九年四月改為縣來屬東有草塘安撫司洪武十七年六月置又有重安長官司永樂四年九月置俱屬播州宣慰司萬厯二十九年四月俱省入甕安縣東南有萬丈山西有烏江縣境諸山溪之

水皆流合焉又有黃灘關東北有涓潭州北萬歷二十九年四月以播

飛練堡有天和園西有西坪等寨州涓潭地置西有容山長官司洪武中置屬播州宣慰司萬歷二十九年省入涓潭縣南有涓潭水又西有三

江水下流俱凱里長官司府東北本凱里安撫司嘉靖八年二月分播州宣慰司地

置屬清平衛萬歷二十九年來楊義長官司所東南洪武初置屬

平越衛萬歷二十九年屬府西有杉木箐山又有清水江上流自新添衛流入經城西又名皮隴江北經乘西

已者諸苗界而八烏江

黎平府本思州宣慰司地洪武十八年正月置五開衛

屬湖廣都司後廢三十五年十一月復置永樂十一年

二月置黎平府於衛城屬貴州布政司弘治十年徙府

治衛南萬厯二十九年十一月改府屬湖廣三十一年

四月還屬貴州

南有寶帶山東有摩天嶺東北有銅鼓巖西有新化江又有福祿江其上游為

古州江下流入廣西懷遠縣境西南有黎平守禦千戶所洪武二十一年九月置屬五開衛

領縣一

長官司十三西距布政司六百三十里

永從

府南木元福祿

永從軍民長官司洪武中改置福祿永從蠻夷長官司

後廢永南元年正月復置屬貴州衛十三年三月來屬

正統六年九月改為縣南有福祿

潭溪蠻夷長官司

府東

江有彩江流合焉又有永從溪

南元潭溪長官司洪武三年正月改置屬湖廣辰州衛

三月改屬湖廣靖州衛後廢永樂元年正月復置屬貴

州衛十二年三月來屬西南有銅關鐵寨山南有潭溪

八舟蠻夷長官司

府北元八舟軍

民長官司洪武五年改置後廢永樂元年正月復置屬貴州衛十二年三月來屬西南有八舟江源自府城西

為三十里江北流經此又東北為新化江

洪舟泊里蠻夷長官司

府東南元洪舟泊里

軍民長官司洪武初改置後廢永樂元年正月復置屬貴州衛十三年三月來屬北有洪舟江下流合於湖廣

靖州之渠河西南有中潮守禦千戶所洪武二十一年九月置屬五開衛

曹滴洞蠻夷長官司

府西北元曹滴等洞軍民長官司洪武初改置後廢永樂元年正月復置屬貴州衛十二年三月來屬西

南有容江源出苗地北流入福祿江

古州蠻夷長官司

府西北元古州八萬洞軍民長官司

洪武三年正月改置屬湖廣辰州衛三月改屬湖廣靖州衛後廢永樂元年正月復置屬貴州衛十二年三月

來屬有古州衛洪武二十六
年置尋廢東北有古州江
西山陽洞蠻夷長官司

府西

南洪武初置後廢永樂元年正月復置屬貴州衛十二年三月來屬西北有大巖山大巖江出焉東南入於福

祿
新化蠻夷長官司
府東北元新化長官司洪武三年正月改置屬湖廣辰州衛三月改

屬湖廣靖州衛後廢永樂元年正月復置屬貴州衛十

一年二月置新化府於此顧湖耳亮寨歐陽新化中林

驗洞龍里六蠻夷長官司赤溪滿洞長官司宣德九年

十一月所廢以所領俱屬黎平府西有六疊山東南有

新化江又西北合於清水江又東有新化亮寨守禦千

戶所洪武二十一年九月置西南有新化屯千戶所洪

武二十五年置
湖耳蠻夷長官司
府東北元湖耳洞長

俱屬五開衛
官司洪武三年正月

改置屬湖廣辰州衛三月改屬湖廣靖州衛後廢永樂

元年正月復置屬貴州衛十二年三月屬新化府府廢

來屬西有銅鼓衛木銅鼓守禦千戶所洪武二十一年九月置屬五開衛三十年改所為衛屬湖廣都司後二

年廢三十五年十一
亮寨蠻夷長官司
府東北木八萬月復置屬湖廣都司亮寨蠻夷長官司

司洪武三年正月置屬湖廣辰州衛三月屬湖廣靖州衛後廢永樂元年正月復置改名屬貴州衛十二年三

月屬新化府
歐陽蠻夷長官司
府東北元歐陽寨長官司月廢來屬司洪武三年正月改置

屬湖廣辰州衛三月改屬湖廣靖州衛後廢永樂元年正月復置屬貴州衛十二年三月屬新化府府廢來屬

中林驗洞蠻夷長官司
府北洪武初置後廢永樂元年正月復置十二年三月屬新化

府府廢來屬
赤溪浦洞蠻夷長官司
府東北龍里蠻夷長下二司做此北

官司
府北南有龍里守禦千戶所洪武二十五年置屬五開衛

思南府

元思南宣慰司屬湖廣行省

洪武四年改屬四川六年十二

月升為思南道宣慰使司仍屬湖廣永樂十一年二月

改為府屬貴州布政司隆慶四年三月徙治平溪衛尋

復故

有都儒五堡二坑等處巡檢司又有車韓偏力水土巡檢司又有板橋巡檢司舊屬石阡府後來屬

鎮縣三長官司三西南距布政司六百二十里安化

倚本水特姜長官司元屬思州安撫司洪武初改曰水德江屬思南宣慰司永樂十二年三月屬府萬歷三十三年改置安化縣西南有崖門山南有萬勝山又有烏江自石阡府流入經城西點魚峽北入四川彭水縣界合涪陵江東南有水德江即烏江之分流又有思印江流合焉下流亦入於涪陵江舊有洪安化濟二長官司

屬思南宣慰司洪武二十六年五月省蠻夷長官司洪

東有水勝關南有武勝關北有太平關洪

武十年十月置屬思南宣慰司洪 婺川府北元屬思州安撫司洪武五年屬鎮遠

州十七年後仍屬思州永樂十二年三月來屬印江府

東有河只水又有羅多水下流俱注於水德江東

承思印江長官司元屬思南宣慰司永樂十二年三月屬府弘治七年六月改為印江縣沿河祐溪

長官司府東北洪武七年十月置屬思南 朗溪蠻夷長

官司府東洪武七年十月置屬思南宣慰司永樂十二年三月屬烏雅府正統三年五月府廢來屬有願

溪蠻夷長官司亦洪武七年十月置卒廢

思州府元思州 永樂十一年二月改為府屬貴州布政

宣慰司

司領長官司四西距布政司七百五十里 都坪義興

溪蠻夷長官司

倚洪武六年置二十五年省永樂十二年三月復置南有栽山西北有江頭山

東有異溪東北有平溪上有關洪武二十二年三月置平溪衛於此屬湖廣都司萬厯二十九年十一月改屬

貴州三十一年四月還屬湖廣又有鮎魚關南有黃土關又東北有見州驛路出湖廣沅州 都素蠻

夷長官司

府西永樂十二年三月置屬府

施溪長官司

府北元施溪樣頭長官司洪武

五年改名屬湖廣沅州衛永樂十二年三月來屬東有施溪

黃道溪長官司

府東北元屬思

州宣慰司永樂十二年三

月屬府西南有黃道溪

鎮遠府

元鎮遠府屬思州安撫司

洪武四年降為鎮遠州屬思南宣

慰司五年六月直隸湖廣永樂十一年二月置鎮遠府
於州治屬貴州布政司正統三年五月省州入焉願縣

二長官司三西距布政司五百三十里

鎮遠

倚本鎮遠溪洞

金容金達蠻夷長官司洪武二年二月置屬思南宣慰司永樂十二年三月屬州正統三年五月改屬府弘治七年十月改為鎮遠縣北有石崖山東有中河山以兩水夾流而名東北有鐵山又東有觀音山有馬場坡東南有也邦山西有平冒山南有鎮陽江一名鎮南江亦曰潯水上受興隆黃平諸水東流三百里入於沅江又東北有鐵溪出鐵山下流入鎮陽江又西有油榨關有焦溪關梅溪關又有清浪關清浪衛治於此又西有偏橋偏橋衛在焉俱洪武二十三年四月置西南有鎮遠衛洪武二十二年七月置俱屬湖廣都司萬厯二十九年

年十一月俱改屬貴州三
十一年四月還屬湖廣

施秉

府西南本施秉蠻夷長
官司洪武五年置屬思

南宣慰司永樂十二年三月屬州正統九年七月改為
縣天啓元年四月省崇禎四年十一月復置南有洪江

即鎮陽江偏橋長官司

府西元偏橋中寨蠻夷軍民長官司
洪武五年改置屬思南宣慰司永樂

十二年三月
月來屬

邛水十五洞蠻夷長官司

府東元邛水縣洪
武五年改置團雕

得民曉阻陂帶邛水五長官司屬思州宣慰司二十九
年以四司并入邛水司屬思南宣慰司永樂十二年三
月屬

臻剖六洞橫坡等處長官司

府西本臻剖六洞橫
坡三長官司洪武二

十二年置屬鎮遠
衛後并為一司

銅仁府本思州宣慰司地永樂十一年二月置銅仁府

領縣一長官司五西南距布政司七百七十里 銅仁

倚元銅人大小等處蠻夷軍民長官司思州安撫司洪武初改置銅仁長官司屬思南宣慰司永樂十二年三月置府治於此萬歷二十六年四月改為縣南有銅崖山又有新坑山產硃砂水銀西南有銅仁大江西北有小江流合為下流入 省溪長官司 府西元省溪壩場等沅州界注於沅江 處蠻夷長官司屬思

州安撫司洪武初改名屬思南宣慰司永樂十二年三月來屬西有迤邐江即省溪產金 提溪長官

司 府西元提溪等處軍民長官司屬思州安撫司洪武初改名屬思南宣慰司永樂十二年三月來屬東有

印江西有提 大萬山長官司 府南元大萬山蘇葛辦等溪產砂金 處軍民長官司屬思州安

撫司洪武初改名屬思南宣 烏羅長官司 府西元烏羅龍慰司永樂十二年三月來屬 千等處長官司

屬思州安撫司洪武初更名屬思南宣慰司永樂十一年二月置烏羅府願朗溪蠻夷長官司烏羅峇意治古平頭著可四長官司治於此正統三年五月所廢來屬西有九龍山銅仁大江源於此又西南有觀音岡亦曰烏羅洞南有九江又有木耳溪

平頭著可長官司

府西北元

亦曰九十九溪下流亦入沅江
平頭著可通達等處長官司屬思州安撫司洪武七年十月改置屬思南宣慰司永樂十二年三月屬烏羅府府廢來屬又有峇意長官司治古寨長官司俱永樂三年七月置屬貴州宣慰司十二年三月改屬烏羅府正統三年五月俱興府同廢

石阡府本思州宣慰司地永樂十一年二月置石阡府領縣一長官司三西南距布政司六百三十里 石阡

長官司

倚元石阡等處軍民長官司屬思州安撫司洪武初改置屬思州宣慰司永樂十二年三月為

石阡府治西有崖門山南有秋滿洞西有烏江自四川逆義府流入東北入思南府界有石阡江下流入於烏

江龍泉

府西本龍泉坪長官司元為思州安撫司治洪武七年七月復置屬思州宣慰司永樂十二年

三月來屬萬厯二十九年四月改為縣北有騰雲洞南有鄧坎等寨

苗民長官司

府西南洪武七

年十月置屬思州宣慰司永樂十二年三月來屬

葛彰葛商長官司

府南元屬思州安撫

司洪武中屬思州宣慰司永樂十二年三月來屬

龍里衛軍民指揮使司洪武二十三年四月置衛二十

九年四月升軍民指揮使司

西有蓮花涇又有加牙河下流入甕首河東南有平

伐長官司本元平伐等處長官司洪武十五年改置屬貴州衛二十八年屬龍里衛萬曆十四年二月省入新貴縣又西有長衛關東有龍聲關

領長官司一西距布政司五十里

大平伐長官司

衛南洪武十九年置屬貴州衛二十八年來屬東北有谷峽山東南有甕首河

下流合清水江

新添衛軍民指揮使司

元新添葛蠻安撫司後廢

洪武二十二年置

新添千戶所屬貴州衛二十三年二月改為新添衛屬

貴州都司二十九年四月升軍民指揮使司領長官司

五西距布政司百十里新添長官司

倚洪武四年置東有憑虛洞一

名指毋洞西北有清水江西南有甕城小平伐長官司
河有甕城河土巡檢司又東有谷忙關

衛西南洪武十五年六月置屬貴
州衛尋屬龍里衛二十九年來屬
把平寨長官司衛南洪武

十五年六月置屬貴州衛尋
屬龍里衛二十九年來屬
丹平長官司衛西南洪武

省永樂二年
年復置
丹行長官司
衛西南洪武三十年置

安南衛洪武十五年正月置尾灑衛於此尋廢二十三

年十二月復置更名屬貴州都司

南有尾灑山東有盤江山有清源河又有

北盤江自雲南雷益州流入又南入安順府界東南有
者卜河自普安州流入注於盤江西有江西陂初置柵

屯守於此尋徙於尾灑築城為
衛南有烏鳴關亦洪武中置
東北距布政司三百四

十里

威清衛洪武二十三年六月置屬貴州都司

北有羊耳山西有的

澄河即陸廣河上流西北有鴨池河即烏江

西距布政司六十里

平壩衛洪武二十三年閏四月置屬貴州都司

東南有南仙洞

有馬頭山東有東溪

西南距布政司八十里

畢節衛洪武十七年二月置屬貴州都司

東有木稀山有關又有響

水河南有善欲關西有老鴉關俱洪武中置東北有層臺衛洪武二十一年九月置二十七年六月廢

領

守禦所一東南距布政司四百五十里

守禦七星關

後千戶所

衛西洪武二十一年置屬烏撒衛永樂中來屬有七星關河亦曰可渡河源出四川烏撒

府即北盤江上流七里關在其上下流入雲南霑益州界

赤水衛洪武二十一年十月置

北有雲山上有關東有赤水河有赤水關 領

所四距布政司六百二十里 摩尼千戶所 北衛 曰撒千

戶所

衛東南二所俱洪武二十二年九月置

阿落密千戶所

南衛

箭千戶所

衛南二所俱洪武二十七年置

普市守禦千戶所洪武二十三年三月析永寧宣撫司

地置直隸貴州都司

東有木寨山西南有水腦洞又東南有龍泉澗

距布政司

七百二十里

數勇衛本創佐長官司洪武五年改元落邦札佐等處

長官司置屬貴州宣慰司崇禎三年改置屬貴州都司

東有陽明洞西有三湘水北有烏江有陸廣河領所四南距布政司五十里

於襄守禦千戶所

衛西木青山長官司洪武五年改元青山遠地等處長官司置屬貴州宣

慰司崇禎

息烽守禦千戶所

衛東北崇禎三年以貴州前衛故地六屯并割底寨

三年改置

司地置西有西望山南有石天洞北有烏江

濯靈守禦千戶所

衛北西有陸廣河北流合

烏修文守禦千戶所

衛東北二司俱宣慰司水西地崇禎三年同置

鎮西衛崇禎三年以宣慰司水西地置

北有天柱洞又有鴨池河即烏

江異名

領所四西南距布政司六十里

威武守禦千戶

所

衛東

赫聲守禦千戶所

衛北有鴨池河

柔遠守禦千戶所 定

遠守禦千戶所

衛

以上俱水西地崇禎三年與衛同置

明史卷四十六

欽定四庫全書

明史卷四十七

大學士張廷玉等奉 敕修

志第二十三

禮一 吉禮一

周官儀禮尚已然書缺簡脫因革莫詳自漢史作禮志後
皆因之一代之制始的然可考歐陽氏云三代以下治出
於二而禮樂為虛名要其用之郊廟朝廷下至閭里州

黨者未嘗無可觀也惟能修明講貫以實意行乎其間則格上下感鬼神教化之成即在是矣安見後世之禮必不可上追三代哉明太祖初定天下他務未遑首開禮樂二局廣徵耆儒分曹究討洪武元年命中書省暨翰林院太常寺定擬祀典乃歷敘沿革之由酌定郊社宗廟議以進禮官及諸儒臣又編集郊廟山川等儀及古帝王祭祀感格可垂鑒戒者名曰有心錄二年詔諸儒臣修禮書明年告成賜名大明集禮其書準五禮而益以冠服車輅儀仗鹵簿字學音樂凡升降儀節

制度名數纖悉畢具又屢敕議禮臣李善長傅瓛宋濂
詹同陶安劉基魏觀崔亮牛諒陶凱朱升樂韶鳳李原
名等編輯成集且詔郡縣舉高潔博雅之士徐一夔梁
寅周子諒胡行簡劉宗弼董彝蔡深滕公琰至京同修
禮書在位三十餘年所著書可考見者曰孝慈錄曰洪
武禮制曰禮儀定式曰諸司職掌曰稽古定制曰國朝
制作曰大禮要議曰皇朝禮制曰大明禮制曰洪武禮
法曰禮制集要曰禮制節文曰太常集禮曰禮書若夫

釐正祀典凡天皇太乙六天五帝之類皆為革除而諸神封號悉改從本稱一洗矯誣陋習其度越漢唐遠矣又詔定國恤父母並斬衰長子降為期年正服旁服以遞而殺斟酌古今蓋得其中永樂中頒文公家禮於天下又定巡狩監國及經筵日講之制後宮罷殉始於英宗陵廟嫡庶之分正於孝宗暨于世宗以制禮作樂自任其更定之大者如分祀天地復朝日夕月於東西郊罷二祖並配以及祈穀大雩享先蠶祭聖師易至聖先

師號皆能折衷於古獨其排衆議祔睿宗太廟躋武宗
上徇本生而違大統以明察始而以豐昵終矣當時將
順之臣各為之說今其存者若明倫大典則御製序文
以行之禮儀成典則李時等奉敕而修郊祀考議則張
孚敬所進者也至大明會典自孝宗朝集纂其於禮制
尤詳世宗神宗時數有增益一代成憲畧具是焉今以
五禮之序條為品式而隨時損益者則依類編入以識

沿革云

壇壝之制

神位祭器玉帛牲牢祝冊之數

籩豆之實

祭祀雜議諸儀

祭祀日期

習儀

齋戒

遣官祭祀

分獻陪祀

五禮一曰吉禮凡祀事皆領於太常寺而屬於禮部明
初以園丘方澤宗廟社稷朝日夕月先農為大祀太歲
星辰風雲雷雨嶽鎮海瀆山川歷代帝王先師旗壽司

中司命司民司祿壽星為中祀諸神為小祀後改先農
朝日夕月為中祀凡天子所親祀者天地宗廟社稷山
川若國有大事則命官祭告其中祀小祀皆遣官致祭
而帝王陵廟及孔子廟則傳制特遣焉每歲所常行者
大祀十有三正月上辛祈穀孟夏大雩季秋大享冬至
圜丘皆祭昊天上帝夏至方丘祭皇地祇春分朝日於
東郊秋分夕月於西郊四孟季冬享太廟仲春仲秋上
戊祭太社太稷中祀二十有五仲春仲秋上戊之明日

祭帝社帝稷仲秋祭太歲風雲雷雨四季月將及嶽鎮
海瀆山川城隍霜降日祭旗纛於教場仲秋祭城南旗
纛廟仲春祭先農仲秋祭天神地祇於山川壇仲春仲
秋祭歷代帝王廟春秋仲月上丁祭先師孔子小祀八
孟春祭司戶孟夏祭司竈季夏祭中雷孟秋祭司門孟
冬祭司井仲春祭司馬之神清明十月朔祭泰厲又於
每月朔望祭火雷之神至京師十廟南京十五廟各以
歲時遣官致祭其非常祀而間行之者若新天子耕藉

而享先農視學而行釋奠之類嘉靖時皇后享先蠶祀
高禩皆因時特舉者也其王國所祀則太廟社稷風雲
雷雨封內山川城隍旗纛五祀厲壇府州縣所祀則社
稷風雲雷雨山川厲壇先師廟及所在帝王陵廟各衛
亦祭先師至於庶人亦得祭里社穀神及祖父母父母
并祀竈載在祀典雖時稍有更易其大要莫能踰也至
若壇壝之制神位祭器玉帛牲牢祝冊之數籩豆之實
酒齊之名析其彼此之異同訂其初終之損益臚於首

簡畧於本條庶無缺遺亦免繁複云爾

壇壝之制明初建園丘於正陽門外鍾山之陽方丘於
太平門外鍾山之陰園丘壇二成上成廣七丈高八尺
一寸四出陞各九級正南廣九尺五寸東西北八尺一
寸下成周圍壇面縱橫皆廣五丈高視上成陞皆九級
正南廣一丈二尺五寸東西北殺五寸五分甃磚闌楮
皆以琉璃為之壝去壇十五丈高八尺一寸四面靈星
門南三門東西北各一外垣去壝十五丈門制同天下

神祇壇在東門外神庫五楹在外垣北南向廚房五楹
在外壇東北西向庫房五楹南向宰牲房三楹天池一
又在外庫房之北執事齋舍在壇外垣之東南坊二在
外門外橫甬道之東西燎壇在內壇外東南丙地高九
尺廣七尺開上南出戶方丘壇二成上成廣六丈高六
尺四出陞南一丈東西北八尺皆八級下成四面各廣
二丈四尺高六尺四出陞南丈二尺東西北一丈皆八
級壇去壇十五丈高六尺外垣四面各六十四丈餘制

同南郊有浴室瘞坎在內壝外壬地洪武四年改築園
丘上成廣四丈五尺高二尺五寸下成每面廣一丈六
尺五寸高四尺九寸二成通徑七丈八尺壇至內壝牆
四面各九丈八尺五寸內壝牆至外壝牆南十三丈九
尺四寸北十一丈東西各十一丈七尺方丘上成廣二
丈九尺四寸高三尺九寸下成每面廣丈五尺五寸高
三尺八寸通徑七丈四寸壇至內壝牆四面皆八丈九
尺五寸內壝牆至外壝牆四面各八丈二尺十年改定

合祀之典即園丘舊制而以屋覆之名曰大祀殿凡十二楹中石臺設上帝皇地祇座東西廣三十二楹正南大祀門六楹接以步廊與殿廡通殿後天庫六楹瓦皆黃琉璃廚庫在殿東北宰牲亭并在廚東北皆以步廊通殿兩廡後繚以圍牆南為石門三洞以達大祀門謂之內壇外周垣九里三十步石門三洞南為甬道三神道左御道左王道道兩旁稍低為從官之地齋宮在外垣內西南東向其後殿瓦易青琉璃二十一年增修

壇墻壇後樹松柏外墻東南鑿池二十區冬月伐冰藏
凌陰以供夏秋祭祀之用成祖遷都北京如其制嘉靖
九年復改分祀建園丘壇於正陽門外五里許大祀殿
之南方澤壇於安定門外之東園丘二成壇面及欄俱
青琉璃邊角用白玉石高廣尺寸皆遵祖制而神路轉
遠內門四南門外燎爐毛血池西南望燎臺外門亦四
南門外左具服臺東門外神庫神厨祭器庫宰牲亭北
門外正北泰神殿正殿以藏上帝太祖之主配殿以藏

從祀諸神之主外建四天門東曰泰元南曰昭亨西曰廣利又西鑾駕庫又西犧牲所其北神樂觀北曰成貞北門外西北為齋宮迤西為壇門壇北舊天地壇即大祀殿也十七年撤之又改泰神殿曰皇穹宇二十四年又即故大祀殿之址建大享殿方澤亦二成壇面黃琉璃陞增為九級用白石圍以方坎內北門外西座位東燈臺南門外皇祗室外西門外迤西神庫神厨宰牲亭祭器庫北門外西北齋宮又外建四天門西門外北為

鑾駕庫遣官房內陪祀官房又外為壇門門外為泰折
街牌坊護壇地千四百餘畝太社稷壇在宮城西南東
西峙明初建廣五丈高五尺四出陞皆五級壇土五色
隨其方黃土覆之壇相去五丈壇南皆樹松二壇同一
壇方廣三十丈高五尺甃磚四門飾色隨其方周垣四
門南靈星門三北戟門五東西戟門三戟門各列戟二
十四洪武十年改壇午門右社稷共一壇為二成上成
廣五丈下成廣五丈三尺崇五尺外壇崇五尺四面各

十九丈有奇外垣東西六十六丈有奇南北八十六丈
有奇垣北三門門外為祭殿其北為拜殿外復為三門
垣東西南門各一永樂中建壇北京如其制帝社稷壇
在西苑壇址高六寸方廣二丈五尺甃細磚實以淨土
壇北樹二坊曰社街王國社稷壇高廣殺太社稷十之
三府州縣社稷壇廣殺十之五高殺十之四陞三級後
皆定同壇合祭如京師朝日夕月壇洪武三年建朝日
壇高八尺夕月壇高六尺俱方廣四丈兩壇各二十

五步二十一年罷嘉靖九年復建壇各一成朝日壇紅琉璃夕月壇用白朝日壇陞九級夕月壇六級俱白石各建天門二先農壇高五尺廣五丈四出陞御耕耜位高三尺廣二丈五尺四出陞山川壇洪武九年建正殿拜殿各八楹東西廡二十四楹西南先農壇東南具服殿殿南耜田壇東旗纛廟後為神倉周垣七百餘丈垣內地歲種穀蔬供祀事嘉靖十年改名天神地祇壇分列左右太歲壇與嶽瀆同嶽鎮海瀆山川城隍壇據高

阜南向高二尺五寸方廣十倍四出陛南向五級東西
北三級王國山川壇高四尺四出陛方三丈五尺天下
山川所在壇高三尺四出陛三級方二丈五尺

神位祭器玉帛牲牢祝冊之數神位圜丘洪武元年冬
至正壇第一成昊天上帝南向第二成東大明星辰次
之西夜明太歲次之二年奉仁祖配位第一成西向三
年壇下壝內增祭風雲雷雨七年更定內壝之內東西
各三壇星辰二壇分設於東西其次東則太歲五嶽西

則風雲雷雨五鎮內壝之外東西各二壇東四海西四
瀆次天下神祇壇東西分設方丘洪武二年夏至正壇
第一成皇地祇南向第二成東五嶽次四海西五鎮次
四瀆三年奉仁祖配位第一成西向壇下壝內增祭天
下山川七年更定內壝之內東西各二壇東四海西四
瀆次二壇天下山川內壝之外東西各設天下神祇壇
一十二年正月合祀大祀殿正殿三壇上帝皇地祇並
南向仁祖配位在東西向從祀十四壇丹陛東一壇曰

大明西一壇曰夜明兩廡壇各六星辰二壇次東太歲
五嶽四海次西風雲雷雨五鎮四瀆二壇又次天下山
川神祇二壇俱東西向二十一年增修丹墀內石臺四
大明夜明各一星辰二內壝外石臺二十東十壇北嶽
北鎮東嶽東鎮東海太歲帝王山川神祇四瀆西十壇
北海西嶽西鎮西海中嶽中鎮風雲雷雨南嶽南鎮南
海俱東西向臺高三尺有奇周以石欄陟降為磴道臺
上琢石鑿龕以置神位建文時撤仁祖改奉太祖配位

第一成西向洪熙元年增文皇帝於太祖下嘉靖九年
復分祀之典園丘則東大明西夜明次東二十八宿五
星周天星辰次西風雲雷雨共四壇方丘則東五嶽基
運翊聖神烈三山西五鎮天壽純德二山次東四海次
西四瀆南北郊皆獨奉太祖配太社稷配位別見先農
正位南向后稷配位西向凡神位天地祖宗曰神版餘
曰神牌園丘神版長二尺五寸廣五寸厚一寸趺高五
寸以栗木為之正位題曰昊天上帝配位題曰某祖某

皇帝並黃質金字從祀風雲雷雨位版赤質金字神席
上帝用龍椅龍案上施錦褥配位同從祀位置於案不
設席方丘正位曰皇地祇配位及從祀制並同園丘奉
先殿帝后神主高尺二寸廣四寸跌高二寸用木飾以
金鏤以青字龕高二尺廣二尺跌高四寸朱漆鏤金龍
鳳花版間二牕施紅紗側用金銅環內織金文綺為藉
社稷社主用石高五尺廣五尺上微銳立於壇上半在
土中近南北向稷不用主洪武十年皆設木主丹漆之

祭畢貯於庫仍用石主埋壇中微露其末後奉祖配其
位製塗金牌座如先聖匱用架罩嘉靖中藏於寢廟帝
社稷神位以木高一尺八寸廣三寸朱漆質金書壇南
置石龕以藏神位王府州縣社主皆用石長二尺五寸
廣尺五寸日月壇神位以松柏為之長二尺五寸廣五
寸趺高五寸朱漆金字餘倣此祭器南郊洪武元年定
正位登一簋豆各十二簠簋各二爵三壇上太尊二著
尊犧尊山壘各一壇下太尊一山壘二從祀位登一簋

豆各十簋簋各二東西各設著尊二犧尊二北郊同七年增園丘從祀共設酒尊六於壇西大明夜明位各三天下神祇鉶三籩豆各八簋簋各二壝內外東西各設酒尊三每位爵三方丘嶽鎮各設酒尊三壝內東西各設酒尊三壝外東西各設酒尊三每位爵三神祇與園丘同八年園丘從祀更設登一鉶二每位增酒斚星辰天下神祇各三十太歲風雲雷雨嶽鎮海瀆各十五方丘從祀同十年定合祀之典各壇陳設如舊惟太歲風

雲雷雨酒盞各十東西廡俱共設酒尊三爵十八於壇南二十一年更定正殿上三壇每壇登一籩豆各十二簠簋各二共設酒尊六爵九於殿東南西向丹墀內四壇大明夜明各登一籩豆十簠簋二酒尊三爵三星辰二壇各登一鉶二酒盞三十餘與大明同壝外二十壇各登一鉶二籩豆各十簠簋各二酒盞十酒尊三爵三神祇壇鉶三籩豆各八帝王山川四瀆中嶽風雲雷雨神祇壇酒盞各三十餘並同嶽鎮太廟時享洪武元年

定每廟登一鉶三籩豆各十二簠簋各二共酒尊三金爵八瓷爵十六於殿東西向二十一年更定每廟登二鉶二弘治時九廟通設酒尊九袷祭加一金爵十七袷祭加二瓷爵三十四袷祭加四親王配享洪武三年定登鉶各三籩豆各十二簠簋各二酒尊三酒注二二十一年更定登鉶各一爵各三籩豆各十簠簋各二共用酒尊三於殿東功臣配享洪武二年定每位籩豆各二簠簋各二三年增定共用酒尊二酒注二二十一年更

定十壇每壇鉶一籩豆各二簋簋各一爵三共用酒尊
三於殿西太社稷洪武元年定鉶三籩豆各十簋簋各
二配位同正配位皆設酒尊三於壇東十一年更定每
位登一鉶二籩豆十二正配位共設酒尊三爵九後太
祖成祖並配時增酒尊一爵三府州縣社稷鉶一籩豆
四簋簋二朝日夕月洪武三年定太尊著尊山壘各二
在壇上東南隅北面象尊壺尊山壘各二在壇下籩豆
各十簋簋各二登鉶各三先農與社稷同加登一籩豆

減二神祇洪武二年定每壇籩豆各四簋簋登爵各一
九年更定正殿共設酒尊三爵七兩廡各設酒尊三爵
三餘如舊二十一年更定每壇登一鉶二籩豆各十簋
簋各二酒盞三十星辰正殿中登一鉶二餘九壇鉶二
每壇籩豆十簋簋各一酒盞三十爵一共設酒尊三太
歲諸神籩豆各八簋簋各二酒尊三嶽瀆山川同歷代
帝王洪武四年定登一鉶二籩豆各八簋簋各一俎一
爵三尊三七年更定登銅簋簋各一籩豆各十爵各三

共設酒尊五於殿西階酒尊三於殿東階二十一年增
定每位鉶二簠簋各二五室共設酒尊三爵四十八配
位每壇籩豆各二簠簋各一饋盤一每位鉶一酒盞三
三皇籩豆各八簠簋各二登鉶各二爵三犧尊象尊山
壘各一配位籩豆各四簠簋各二鉶一爵三犧尊象尊
各一至聖先師洪武元年定籩豆各六簠簋各二登一
鉶二犧尊象尊山壘各一四配位籩豆各四簠簋各一
登一十哲兩廡籩豆二四年更定正位籩豆各十酒尊

三爵三餘如舊四配每位酒尊一餘同正位十哲東西各爵一每位籩豆各四簋簋各一鉶一酒盞一兩廡東西各十三壇東西各爵一每壇籩豆各四簋簋各一酒盞四十五年更定正位酒尊一爵三登一鉶二籩豆各八簋簋各二四配位共酒尊一各爵三登一鉶二籩豆各六簋簋各一十哲共酒尊一東西各爵五鉶一籩豆各四簋簋各一東西廡每四位爵四籩豆各二簋簋各一景泰六年增兩廡籩豆各二簋簋各一成化十二年

增正位籩豆為十二嘉靖九年仍減為十旗纛與先農
同馬神籩豆各四簠簋登象尊壺尊各一玉帛牲牢五
三等上帝蒼璧皇地祇黃琮太社太稷兩圭有邸朝日
夕月圭璧五寸帛五等曰郊祀制帛郊祀正配位用之
上帝蒼地祇黃配位白曰禮神制帛社稷以下用之社
稷黑大明赤夜明星辰太歲風雲雷雨天下神祇俱白
五星五色嶽鎮四海陵山隨方色四瀆黑先農正配皆
青羣神白帝王先師皆白旗纛洪武元年用黑七年改

赤九年定黑二白五曰奉先制帛太廟用之每廟二曰展親制帛親王配享用之曰報功制帛功臣配享用之皆白每位各一惟園丘嘉靖九年用十二而周天星辰則共用十孔廟十哲兩廡東西各一云又洪武十一年上以小祀有用楮錢者為不經禮臣議定在京大祀中祀用制帛有筐在外王國府州縣亦如之小祀惟用牲醴牲牢三等曰犢曰羊曰豕色尚騂或黝大祀入滌九旬中祀三旬小祀一旬大祀前一月之朔躬詣犧牲所

視牲每日大臣一人往視洪武二年帝以祭祀省牲去神壇甚邇於人心未安乃定省牲之儀去神壇二百步七年定制大祀皇帝躬省牲中祀小祀遣官嘉靖十一年更定冬夏至祈穀俱祭前五日親視後俱遣大臣圜丘蒼犢方丘黃犢配位各純犢洪武七年增設圜丘配位星辰牛一羊豕三太歲牛羊豕一風雲雷雨天下神祇羊豕各五方丘配位天下山川牛一羊豕各三太廟禘正配皆太牢祫皆太牢時享每廟犢羊豕各一親王

配位洪武三年定共牛羊豕一二十一年更定每壇犢
羊豕各一功臣配位洪武二年定每位羊豕體各一二
十一年更定每壇羊豕一太社稷犢羊豕各一配位同
府州縣社稷正配位共羊一豕一洪武七年增設各羊
一豕一朝日夕月犢羊豕各一先農與太社稷同神祇
洪武二年定羊六豕六二十一年更定每壇犢羊豕各
一嘉靖十年天神左地祇右各牲五星辰每壇羊豕一
靈星諸神每神羊豕各一共牛一太歲諸神皆太牢獻

鎮海瀆諸神犢一羊一豕一帝王每室犢羊豕各一配
位每壇羊豕各一先師如帝王四配如配位十哲東西
各豕一分五兩廡東西各豕一後增為三府州縣學先
師羊一豕一四配共羊一豕一解為四體十哲東西各
豕一解為五體兩廡豕一解為百八分旗纛洪武九年
定犢羊豕永樂後去犢王國及衛所同五祀馬神俱用
羊豕祝冊南北郊祝板長一尺一分廣八寸厚二分用
楸梓木宗廟長一尺二寸廣九寸厚一分用梓木以楮

紙冒之羣神帝王先師俱有祝文多不載祝案設於西
凡籩豆之實用十二者籩實以形鹽鼈魚棗栗榛菱芡
鹿脯白餅黑餅糗餌粉飡豆實以韭菹醯醢菁菹鹿醢
芹菹兔醢笋菹魚醢脾析豚胎飽食糝食用十者籩則
減糗餌粉飡豆則減飽食糝食用八者籩又減白黑餅
豆又減脾析豚胎用四者籩則止實以形鹽鼈魚棗栗
豆則止實以芹菹兔醢菁菹鹿醢各二者籩實栗鹿脯
豆實菁菹鹿醢簋簋各二者實以黍稷稻粱各一者實

以稷梁登實以太羹鉶實以和羹洪武三年禮部言禮
記郊特牲曰郊之祭也器用陶匏尚質也周禮籩人凡
祭祀供簠簋之實疏曰外祀用瓦簠今祭祀用瓷合古
意惟盤盂之屬與古簠簋登鉶異制今擬凡祭器皆用
瓷其式皆倣古簠簋登豆惟籩以竹詔從之酒齊倣周
制用新舊醑以備五齊三酒其實於尊之名數各不同
其祭祀雜議諸儀凡版位皇帝位方一尺二寸厚三寸
紅質金字皇太子位方九寸厚二寸紅質青字陪祀官

位並白質黑字拜褥初用緋洪武三年定制郊丘席為
表蒲為裏宗廟社稷先農山川紅文綺為表紅木棉布
為裏贊唱凡皇帝躬祀入就位時太常寺奏中嚴奏外
辦盥洗升壇飲福受胙各致贊辭又凡祀各設爵洗位
滌爵拭爵初升壇唱再拜及祭酒唱賜福胙洪武七年
禮部奏其煩瀆悉刪去上香禮明初祭祀皆行洪武七
年以翰林詹同言罷嘉靖九年復行拜禮初每節皆再
拜洪武九年禮臣奏禮記一獻三獻五獻七獻之文皆

不載拜禮唐宋郊祀每節行禮皆再拜然亞獻終獻天子不行禮而使臣下行之今議大祀中祀自迎神至飲福送神宜各行再拜禮帝命節為十二拜迎神飲福受胙送神各四拜云登壇脫舄初未行洪武八年詔翰林院臣考定大祀登壇脫舄之禮學士樂韶鳳雜考漢魏以來朝祭儀議於郊祀廟享前期一日有司以席藉地設御幕於壇東南門外設執事官脫履之次於壇門外西階側祭日大駕入幕次脫舄升壇其升壇執事導駕

贊禮讀祝并分獻陪祀官皆脫舄於外以次升壇供事
協律郎樂舞生依前跣襪就位祭畢降壇納舄從之嘉
靖十七年罷其禮

祭祀日期欽天監選擇太常寺預於十二月朔至奉天
殿具奏蓋古卜法不存而擇干支之吉以代卜也洪武
七年命太常卿議祭祀日期書之於版依時以祭著為
式其祭日遣官監祭不敬失儀者罪之

習儀凡祭祀先期三日及二日百官習儀於朝天宮嘉

靖九年更定郊祀冬至習儀於先期之七日及六日

齋戒洪武二年學士朱升等奉敕撰齋戒文曰戒者禁
止其外齋者整齊其內沐浴更衣出宿外舍不飲酒不
茹葷不問疾不弔喪不聽樂不理刑名此則戒也專一
其心嚴畏謹慎苟有所思即思所祭之神如在其上如
在其左右精白一誠無須臾間此則齋也大祀七日前
四日戒後三日齋太祖曰凡祭祀天地社稷宗廟山川
等神為天下祈福宜下令百官齋戒若自有所禱於天

地百神不關民事者不下令又曰致齋以五日七日為期太久人心易怠止臨祭齋戒三日務致精專庶可格神明遂著為令是年從禮部尚書崔亮奏大祀前七日陪祀官詣中書省受誓戒各揚其職不共其事國有常刑宗廟社稷致齋三日不誓戒三年諭禮部尚書陶凱曰人心操舍無常必有所警而後無所放乃命禮部鑄銅人一高尺有五寸手執牙簡大祀則書致齋三日中祀則書致齋二日於簡上太常司進置齋所四年定天

子親祀齋五日遣官代祀齋三日降香齋一日五年命諸司各置木牌以警褻慢刻文其上曰國有常憲神有鑒焉凡祭祀則設之又從陶凱奏凡親祀皇太子宮中居守親王戎服侍從皇太子親王雖不陪祀一體齋戒六年建陪祀官齋房於北郊齋宮之西南復定齋戒禮儀凡祭天地正祭前五日午後沐浴更衣處外室次早百官於奉天門觀誓戒牌次日告仁祖廟退處齋宮致齋三日享宗廟正祭前四日午後沐浴更衣處外室次

日為始致齋三日祭社稷朝日夕月周天星辰太歲風雲雷雨嶽鎮海瀆山川等神致齋二日如前儀凡傳制降香遣官代祀先一日沐浴更衣處外室次日遣官七年定制凡大祀前期四日太常卿至天下神祇壇奠告中書丞相詣京師城隍廟發咨次日皇帝詣仁祖廟請配享二十一年定制齋戒前二日太常司官宿於本司次日奏請致齋又次日進銅人傳制諭文武百官齋戒是日禮部太常司官檄城隍神徧請天下當祀神祇仍

於各廟焚香三日二十六年定傳制誓戒儀凡大祀前三日百官詣闕如大朝儀傳制官宣制云某年月日祀於某所爾文武百官自某日為始致齋三日當敬慎之傳制訖四拜奏禮畢宣德七年大祀南郊帝御齋宮命內官內使飲酒食葷入壇唾地者皆罪之司禮監縱容者同罪齋之日御史檢視各官於齋次仍行南京一體齋戒弘治五年鴻臚少卿李燧言分獻陪祭等官借居道士房榻貴賤雜處且宣召不便乞於壇所隙地做天

壽山朝房體制建齋房從之嘉靖九年定前期三日帝御奉天殿百官朝服聽誓戒萬歷四年十一月禮部以二十三日冬至祀天十八日當奏祭十九日百官受誓戒是日皇太后聖旦百官宜吉服賀一日兩遇禮文服色不同請更奏祭誓戒皆先一日帝命奏祭誓戒如舊而以十八日行慶賀禮

遣官祭祀洪武二十六年定傳制特遣儀是日皇帝陞座如常儀百官一拜禮畢獻官詣拜位四拜傳制官由

御前出宣制如祭孔子則曰某年月日祭先師孔子大成至聖文宣王命卿行禮祭歷代帝王則曰某年月日祭先聖歷代帝王命卿行禮俯伏興四拜禮畢出其降香遣官儀前祀一日清晨皇帝皮弁服陞奉天殿捧香者以香授獻官獻官捧由中陞降中道出至午門外置龍亭內儀仗鼓吹導引至祭所後定祭之日降香如常儀中嚴以待獻官祭畢復命解嚴還宮嘉靖九年定大祀遣官不行飲福禮

分獻陪祀凡分獻官太常寺豫請旨洪武七年太祖謂
學士詹同曰大祀終獻方行分獻禮未當同乃與學士
宋濂議以上初獻奠玉帛將畢分獻官即行初獻禮亞
獻終獻皆如之嘉靖九年四郊工成帝諭太常寺曰大
祀分獻官豫定方可習儀乃用大學士張璁等於大明
夜明星辰風雲雷雨四壇舊制分獻用文武大臣及近
侍官共二十四人今定四人法司官仍舊例不與凡陪
祀洪武四年太常寺引周禮及唐制擬用武官四品文

官五品以上其老疾瘡疥刑餘喪過體氣者不與從之
後定郊祀六科都給事中皆與陪祀餘祭不與又定凡
南北郊先期賜陪祀執事官明衣布樂舞生各給新衣
制陪祀官入壇牙牌凡天子親祀則佩以入其制有二
圓者與祭官佩之方者執事人佩之俱藏內府遇祭則
給無者不得入壇洪武二十九年祀山川諸神流官
祭服未入流官公服洪武二十九年從禮臣言未入流
官凡祭皆用祭服與九品同

明史卷四十七